

ԴԵՊՈԻ ՄԵԾ ՀՈԿՏԵՄԲԵՐԻ 50-ԱՄՅԱԿ

Դ. Մ. ԴԱՎԹՅԱՆ

ՍՈՑԻԱԼԻՍՏԱԿԱՆ ՀԵՂԱՓՈԽՈՒԹՅԱՆ ԼՆԵՒՆՅԱՆ ԿՈՒՐՍԸ ԵՎ
ԲԱՆՎՈՐ ԴԱՍԱԿԱՐԳԻ ԴԱՇՆԱԿՑԻ ՀԱՐՑԸ

1917 թ. փետրվարյան բուրժուա-դեմոկրատական հեղափոխությունը տա-
պալեց ցարական ինքնակալությունը:

Այդ հեղափոխության հաղթանակից հետո բոլշևիկների կուսակցությունը
դուրս եկավ ընդհատակից և, զինված լենինյան տեսությամբ, սկսեց ծավալել
լայն մասսայական-քաղաքական աշխատանք բանվոր դասակարգի և գյուղա-
ցիության մեջ, ամրապնդեց հեղափոխության ձեռք բերած նվաճումները,
հանդես եկավ ժամանակավոր կառավարությանը վստահություն հայտնելու
դեմ: ՌՍԴԲԿ Կենտրոնական կոմիտեն մարտի 4-ին հատուկ որոշում ընդու-
նեց, որտեղ նշվում էր, որ ոչ մի համաձայնություն չպետք է կայացնել բուր-
ժուական կառավարության հետ: Բոլշևիկների կուսակցությունը հանդես եկավ
կառավարության նկատմամբ վերահսկողության մենշևիկո-էսեռական լուղու-
նի դեմ, նշելով, որ բուրժուա-ազնվականական դասակարգերի ներկայացու-
ցիչներից կազմված կառավարությունը ոչինչ չի կարող տալ բանվոր դասակար-
գին, որ բուրժուազիան չի կարող իր վրա վերցնել պրոլետարիատի ծրագրային
խնդիրների կատարումը: Բանվոր դասակարգը հույսը չպետք է դնի բուրժուա-
զիայի վրա, նա ինքը պետք է գործի: Վ. Ի. Լենինը կուսակցության առջև խըն-
դիր էր դնում կիրառել հատուկ տակտիկա, թույլ չտալ, որպեսզի բուրժուազիան
վերականգնի ոստիկանությունը և փրկի միապետությունը: Մեր տակտիկան է,
գրում էր Լենինը, «...լիակատար անվստահություն, ո՛չ մի աջակցություն նոր
կառավարությանը, առանձնապես կասկածում ենք Կերենսկուն, պրոլետարիա-
տի զինումը միակ երաշխիքն է, Պետրոգրադի դումայի (քաղաքային սովետի)
անհապաղ լոնտրություն, ո՛չ մի մերձեցում մյուս պարտիաների հետ»¹:

Հեղափոխության հաղթանակից հետո աշխատավորները ձգտում էին ձեռք
բերել խաղաղություն, հող, հաց և ազատություն: Սակայն բուրժուական ժա-
մանակավոր կառավարությունը ոչ միայն չէր մտածում պատերազմը դադարեց-
նելու մասին, այլ ընդհակառակը, նա հաստատեց ցարական կառավարության
բոլոր հին պայմանագրերը և շարունակեց իմպերիալիստական պատերազմը:
Ռուսաստանը նորից կապված մնաց Անտանտի մարտակառքին: Ժամանակա-
վոր կառավարությունը բոլոր միջոցներին դիմեց, որպեսզի օգտագործի հեղա-
փոխությունն ու այդպիսով իրականացնի իր զավթողական պլանները: Փետր-
վարյան հեղափոխությունից հետո շուտովեց նաև ագրարային հարցը:

Ժամանակավոր կառավարությունը փորձում էր խաբել գյուղացիությանը,
հայտարարելով, որ հողային հարցը իբր կլուծի սահմանադիր ժողովը: Դյուղա-

¹ Վ. Ի. Լենին, Նրվեր, հ. 23, է. 393:

ցիների կողմից կալվածատերերի հողերի բռնագրավման փորձը ժամանակավոր կառավարությունը ճնշում էր ամենայն խստությամբ:

Կառավարությունը իր պլանների իրագործման ընթացքում հույսը դրել էր մենշևիկների և էսեռների վրա: Վերջիններս գտնում էին, որ հեղափոխությունն արդեն հաղթանակել է և իշխանությունը գտնվում է բուրժուազիայի ձեռքին, նա կլուծի հաղթանակած հեղափոխության բոլոր խնդիրները, պատերազմի բնույթը իբր փոխվել է, որ այն կրում է ոչ թե իմպերիալիստական, այլ հայրենիքի պաշտպանության բնույթ, և այլն: Նրանք կոչ էին անում պաշտպանել բուրժուական հայրենիքը:

Բուրժուական ժամանակավոր կառավարությունը փորձում էր ոչնչացնել սովետները, որոնք հանդիսանում էին աշխատավոր և ճնշված ժողովուրդների օրգան, իսկ բուլշևիկների կուսակցությունը մերկացնում էր ժամանակավոր կառավարության ռեակցիոն քաղաքականությունը, բարձրացնում մասսաների քաղաքական գիտակցությունը և ակտիվությունը, նրանց դուրս բերում բուրժուական կառավարության դեմ: Բուլշևիկները կոչ էին անում ամրապնդել սովետները: Միայն սովետների ամրապնդումը կենտրոնում և տեղերում ռեալ հող կստեղծեր պայքարելու ընդդեմ հակահեղափոխության: Անհրաժեշտ էր ամենուրեք կազմակերպել սովետներ:

Փետրվարյան հեղափոխության ամենահիմնական առանձնահատկությունը կայանում էր նրանում, որ երկրում առաջացավ երկիշխանություն: «Այդ երկիշխանության դասակարգային աղբյուրը և նրա դասակարգային նշանակությունն այն է, — ասում էր Վ. Ի. Լենինը, — որ 1917 թ. մարտի ռուսական ռևոլյուցիան ո՛չ միայն սրբեց-տարավ ամբողջ ցարական միապետությունը, ո՛չ միայն ամբողջ իշխանությունը բուրժուազիային հանձնեց, այլև հասավ ընդհուպ մինչև պրոլետարիատի և գյուղացիության ռևոլյուցիոն-դեմոկրատական դիկտատուրային: Հենց այդպիսի դիկտատուրա, (այսինքն՝ իշխանություն, որը հենվում է ոչ թե օրենքի, այլ բնակչության զինված մասսաների անմիջական ուժի վրա) և հատկապես մատնանշված դասակարգերի դիկտատուրան են հանդիսանում Պետրոգրադի և այլ վայրերի բանվորների ու զինվորների դեպուտատների տեղական սովետները»²:

Ինչպես նշում է Վ. Ի. Լենինը, այդպիսի իշխանությունը երկար գոյություն ունենալ չէր կարող, բնականաբար հարց պետք է առաջ գար, թե նրանցից որը պիտի չքանար: Մենշևիկները հավատարիմ մնալով 1905 թ. իրենց հին տակտիկային, նորից հայտարարում էին, թե ներկա հեղափոխությունը բուրժուական է, ուստի բնական է, որ իշխանությունը կանցնի բուրժուազիայի ձեռքը, դրա համար էլ բուրժուազիային պետք է օգնել, պաշտպանել և առաջ մղել: Իսկ ինչ վերաբերվում է պրոլետարիատին, ապա ըստ մենշևիկների, նա ոչ մի դեպքում իշխանությունը իր ձեռքը չպետք է վերցնի:

Իսկ ի՞նչ էր ներկայացնում իրենից բուրժուական ժամանակավոր կառավարությունը: Այդ կառավարությունը, ասում էր Վ. Ի. Լենինը, մարդկանց մի պատահական հավաքածու չէ: Այդ նոր դասակարգի ներկայացուցիչներն են³:

Բուլշևիկների կուսակցության ղեկավոր խնդիրն էր, առաջին հերթին կազմակերպել բանվոր դասակարգին, կենտրոնից մինչև ծայրամասը համատարած կերպով ստեղծել սովետներ և ակտիվ կերպով մասնակցել բանվորների,

² Վ. Ի. Լենին, Պրոլետարիատի խնդիրները մեր ռևոլյուցիայում, Երկեր, հ. 24, էջ 53:

³ Նույն տեղում:

զինվորների և գյուղացիների ղեկուսատանների սովետների աշխատանքներին, կազմակերպել գյուղական կոմիտեներ և այլն: Ծավալված մասսայական-քաղաքական աշխատանքի շնորհիվ Պետրոգրադում, Մոսկվայում, Ուրալում և արդյունաբերական շատ շրջաններում կազմակերպվեցին կարմիր գվարդիական ջոկատներ, որոնք հանդիսանում էին հեղափոխության մարտական ուժերը:

Կուսակցությունը մասսայական-քաղաքական աշխատանք ծավալեց արհմիութենական կազմակերպություններ ստեղծելու և նրանց իր ազդեցության տակ վերցնելու համար: Ստեղծված ֆաբրիկա-գործարանային կոմիտեներն ընդգրկում էին ձևավորվածությունների բոլոր բանվորներին: Պետրոգրադի, Մոսկվայի և շատ ուրիշ քաղաքների ֆաբրիկա-գործարանային կոմիտեները արդեն հունիսին գտնվում էին բոլշևիկների կուսակցության ազդեցության ներքո և գործում էին նրա ղեկավարությամբ:

Ռուսական հեղափոխության կոնկրետ խնդիրները, որոնք բխում էին Ռուսաստանի ներքին դրության առանձնահատկություններից և միջազգային բանվորական շարժման խնդիրներից, հանճարեղորեն նախագծեց Լենինն իր հուլիսյան «Ապրիլյան թեզիսներում»: Ապրիլի 3-ին Վ. Ի. Լենինը էմիգրացիայից վերադարձավ Պետրոգրադ և սոցիալիստական հեղափոխության լոզունգ առաջ քաշեց: Ապրիլի 4-ին նա հանդես եկավ բոլշևիկների և ապա բոլշևիկների և մենշևիկների միացյալ ժողովներում «Պրոլետարիատի խնդիրների մասին տվյալ հեղափոխությունում» թեզիսներով: Ապրիլի 4-ին հրատարակվեցին Վ. Ի. Լենինի «Ապրիլյան թեզիսները», որոնք դարձան պատմական մեծագույն կարևորություն ունեցող փաստաթուղթ: Այդ թեզիսներում պարզ պատասխան տրվեց մեր կուսակցության ստրատեգիայի ու տակտիկայի բոլոր կարևորագույն հարցերին: Վ. Ի. Լենինը ամենայն պարզությամբ նշեց սոցիալիստական հեղափոխության հաղթանակի համար պայքարելու անհրաժեշտությունը: Նա գտնում էր, որ ռուսական հեղափոխությունը սկսվելով իբրև բուրժուա-դեմոկրատական հեղափոխություն, իր զարգացման ընթացքում օրակարգի մեջ է դնում պրոլետարիատի դիկտատուրան, կամ այլ կերպ ասած՝ բուրժուա-դեմոկրատական հեղափոխության ավարտումը պետք է միևնույն ժամանակ նրա խաղաղ փոխանցումը լինի սոցիալիստական հեղափոխության: Վ. Ի. Լենինը նշում էր, որ հեղափոխության հետագա զարգացումը շատ արագ կերպով պետք է դնի իշխանության հարցը: Փետրվարից հետո հեղափոխությունը թևակոխեց նոր էտապ՝ սոցիալիստական հեղափոխության էտապը: Այդ ժամանակաշրջանում հեղափոխության հաղթանակով շահագրգռված էին պրոլետարիատն ու չքավոր գյուղացիությունը: Միջակեր տատանվող էր, նա որպես աշխատավոր, հակում ուներ դեպի պրոլետարիատը, իսկ որպես սեփականատեր՝ կուլակությունը: Այդ իմաստով էլ կուսակցությունը գյուղացիության մասին առաջ քաշեց իր ստրատեգիական երկրորդ լոզունգը, ըստ որի՝ պրոլետարիատը պետք է դաշինք կնքի գյուղական չքավորության հետ ընդդեմ բուրժուազիայի քաղաքում և գյուղում, չեղոքացնելով միջակ գյուղացիությանը: Միջակ գյուղացիության չեղոքացումը, սակայն, չէր նշանակում այնպիսի չեզոքացում, ինչպիսին բուրժուա-դեմոկրատական հեղափոխությունում բուրժուազիայի չեղոքացումն էր: Բուրժուազիային չեղոքացնել՝ նշանակում էր ջլատել ինքնակալության ուժերը, բուրժուազիային զրկել ցարի հետ գործարք կրնքելու հնարավորությունից և պայմաններ ստեղծել նրա տապալման համար:

Հեղափոխության երկրորդ էտապում պայքարն ուղղվում է բուրժուազիայի դեմ, նրան ջախջախելու և պրոլետարիատի դիկտատուրա հաստատելու համար: Միջակի շեղոքացումը երբեք չէր նշանակում միջակի լիկվիդացում, կամ նրա հետ թշնամական հարաբերությունների հաստատում, ընդհակառակը, բոլշևիկների կուսակցությունը վարում էր այնպիսի քաղաքականություն, որ պեսդի միջակին անջատի, նրան դուրս մղի բուրժուական և մանր բուրժուական կուսակցությունների ազդեցությունից, նրան դարձնի պրոլետարիատի դաշնակիցը և մասնակիցը սոցիալիստական հեղափոխության, ինչպես այդ կատարվեց 1918 թ. օգոստոս-նոյեմբեր ամիսներին:

Վ. Ի. Լենինը հաշվի առնելով սոցիալիստական հեղափոխության շարժի ուժերը, միաժամանակ սահմանեց պրոլետարիատի իշխանության կազմակերպական-քաղաքական ձևը՝ սովետները: Նա առաջ քաշեց Սովետների հանրապետությունը՝ որպես պրոլետարիատի դիկտատուրայի քաղաքական ձև:

«Ոչ թե պառլամենտական ռեսպուբլիկա, — ասում է Վ. Ի. Լենինը. — Բ. Դ. (բանվորների դեպուտատների — Դ. Դ.) Սովետներից դրան վերադառնալը կլիներ մի քայլ դեպի ետ, — այլ բանվորների, բատրակների ու գյուղացիների դեպուտատների Սովետների ռեսպուբլիկա ամբողջ երկրում, վարից մինչև վեր»⁴:

Այսպիսով, Վ. Ի. Լենինը իմպերիալիզմի և պրոլետարական հեղափոխությունների դարաշրջանում զարգացրեց, մի նոր, ավելի բարձր աստիճանի հասցրեց մարքսիզմի ուսմոսնքը հասարակության քաղաքական կազմակերպման ձևերի վերաբերյալ, գիտականորեն հիմնավորեց, որ սովետները՝ դա պրոլետարիատի պետական իշխանության քաղաքական ձևն է:

Սոցիալիստական հեղափոխության հաղթանակի համար մղվող պայքարում խոշոր դեր խաղաց բոլշևիկների կուսակցության «Ամբողջ իշխանությունը սովետներին» լոզունգը: Փետրվարյան բուրժուա-դեմոկրատական հեղափոխությունից հետո Ռուսաստանում ստեղծվել էր այնպիսի իրադրություն, երբ բուրժուազիան բացահայտ կերպով ժողովրդական մասսաների վրա բռնություն գործադրել չէր կարող, բոլշևիկների կուսակցությունը ժողովրդական մասսաների մեջ ազատ գործելու բոլոր հնարավորություններն ուներ: Աշխատավորական մասսաներն իրենց ձեռքին ունեին պետական իշխանության պատրաստի ապարատ, ինչպիսին էր բանվորների, զինվորների դեպուտատների սովետները, որոնք ներկայացնում էին բանվոր դասակարգին և գյուղացիներին, այսինքն՝ ժողովրդի բացարձակ մեծամասնությանը: Նվ եթե նրանք հայտարարեին, որ ամբողջ իշխանությունը իրենց ձեռքն են վերցնում, ապա երկրում չկար այնպիսի մի ուժ, որը հանդես գար նրա դեմ: Այսպիսով, ստեղծվել էր ամբողջ իշխանությունը խաղաղ ճանապարհով սովետներին անցնելու հնարավորություն:

Տվյալ էտապում «Ամբողջ իշխանությունը սովետներին» լոզունգի իրականացումը, նշանակում էր սովետների միիշխանության հաստատում, իսկ սովետներում մեծամասնությունը կազմում էին մենշևիկներն ու էսենները: Ամբողջ իշխանությունը սովետների ձեռքն անցնելուց հետո, ինչպես նշում էր Վ. Ի. Լենինը, սովետների ներսում կուսակցությունների ու դասակարգերի միջև կծավալվեր պայքար, որի հետևանքով տեղի կունենար իշխանություն ունեցող կուսակցությունների հերթափոխություն սովետների ներսում: Իսկ դա նշանա-

Վ. Ի. Լենին, Երկեր, հ. 24, էջ 6:

կում է, որ բուրժուա-դեմոկրատական հեղափոխությունից սոցիալիստականի անցումը կարող է տեղի ունենալ խաղաղ զարգացման ճանապարհով:

Վ. Ի. Լենինը նկատի ուներ այն հանգամանքը, որ եթե իշխանությունը ամբողջապես անցներ մենշևիկների և էսենների ձեռքը, դրանով ոչ մի փոփոխություն չէր կատարվելու, նրանք կշարունակեին իրենց հակաժողովրդական քաղաքականությունը, ինչպես երկրի ներքին, այնպես էլ արտաքին քաղաքականության բնագավառում: Բայց այս դեպքում սովետներն իրենց կապերը խզած կլինեին բուրժուազիայից և ժողովրդական մասսաները սովետներից կպահանջեին հաց, հող, հաշտություն և ազատություն: Էսեններն ու մենշևիկները անընդունակ էին բավարարելու ժողովրդական մասսաների այդ պահանջները, դրանով իսկ նրանք իրենք իրենց կամերկացնեին ժողովրդական լայն զանգվածների առաջ: Սա մի կողմից: Իսկ մյուս կողմից բոլշևիկները շատնելով մենշևիկո-էսենական կառավարության կազմի մեջ, սովետներում կքննադատեին ու կամերկացնեին մենշևիկո-էսենական կառավարությանը և կպահանջեին, որպեսզի նա կատարի հեղափոխության կողմից առաջադրվող բոլոր պահանջները: Այդ ժամանակ իրեն մերկացրած էսենա-մենշևիկյան կառավարության նկատմամբ աշխատավորության ունեցած հույսերը կցրվեին: Մասսաները փորձով կհամոզվեին նրանց դավաճանության մեջ և ամբողջ իշխանությունը կհանձնեին բոլշևիկների կուսակցությանը, որը ընդունակ էր լուծելու բանվոր դասակարգի և աշխատավոր գյուղացիության բոլոր պահանջները: Այսպիսով, սովետների ներսում ծավալված պայքարի հետևանքով, խաղաղ զարգացման ճանապարհով, առանց քաղաքացիական պատերազմի, բուրժուա-դեմոկրատական հեղափոխությունը կվերաճեր սոցիալիստականի, բանվորների, գյուղացիների հեղափոխական դեմոկրատական դիկտատուրան կվերաճեր պրոլետարիատի դիկտատուրայի:

Վ. Բ. Լենինի տեսական այս դրույթը մենշևիկների ու էսենների դավաճանական քաղաքականության հետևանքով 1917 թ. փետրվարին հնարավոր չեղավ իրականացնել:

Վ. Բ. Լենինը իր «Ապրիլյան թեզիսներում» ցույց տվեց, որ չնայած փետրվարյան հեղափոխությունը տապալեց ցարական միապետական կարգը, բայց պատերազմը նորից շարունակվում է և այն չի դադարել իմպերիալիստական լինելուց: Բուրժուական ժամանակավոր կառավարությունը շարունակում էր իր հափշտակողական, կողոպտչական նպատակները իրականացնել պատերազմի միջոցով: Այդ պատճառով էլ բոլշևիկների կուսակցությունը շարունակեց իր պայքարը թալանչիական պատերազմի դեմ, հանուն իսկական դեմոկրատական հաշտության՝ առանց անեքսիաների ու ռազմատուգանքների: Բուրժուական ժամանակավոր կառավարության օրոք բոլշևիկների կուսակցությունը պատերազմի հարցում հանդես չեկավ որպես պարտվողական, քանի որ ցարական կառավարությունը արդեն տապալվել էր, երկրում ստեղծվել էր երկու իշխանություն՝ բուրժուական ժամանակավոր կառավարություն և սովետներ: Վերջիններս ներկայացնում էին բանվոր դասակարգին և գյուղացիությանը, որոնք պատերազմին դեմ էին, պահանջում էին հաշտություն: Եվ եթե ամբողջ իշխանությունը հանձնվեր սովետներին, ապա և վերջ կդրվեր պատերազմին: Բոլշևիկների կուսակցությունը հանդես չեկավ նաև որպես պաշտպանողական, ինչու, որովհետև դա կնշանակեր պաշտպանել բուրժուական ժամանակավոր կառավարությունը, աջակցել իմպերիալիստական պատերազմին: Այդ պատ-

ճառով էլ կուսակցությունը հանդես եկավ «Ոչ մի աջակցություն ժամանակավոր կառավարությունը», «Ամբողջ իշխանությունը սովետներին» լոզունգներով: Առաջնորդվելով Վ. Ի. Լենինի ցուցումներով, բոլշևիկները լայն աշխատանք ծավալեցին ռազմաճակատում և թիկունքում, պարզաբանելով, որ կապիտալի և իմպերիալիստական պատերազմի միջև կա անխզելի կապ, որ չի կարելի վերջ տալ պատերազմին, քանի դեռ չի տապալվել իմպերիալիստական բուրժուազիան:

Այսպիսի պայմաններում պրոլետարիատի կուսակցության խնդիրն էր պայքարել հանուն սովետների նվաճման, անողոքաբար և վճռականորեն սովետներից դուրս վոնդել մենշևիկներին և էսեռներին՝ մերկացնելով ժամանակավոր կառավարությանը, նվաճելով մասսաներին՝ սովետները դարձնելով բոլշևիկյան:

Անողոք պայքար մղելով մենշևիկների և էսեռների դեմ և մերկացնելով նրանց պառլամենտական դեմոկրատական հանրապետության պահանջի էությունը, Լենինը իր թեզիսներում առաջ քաշեց ամբողջ երկրում ներքևից մինչև վերև բանվորների, բատրակների և գյուղացիների պատգամավորների հանրապետություն հաստատելու լոզունգը:

«Բայց մենք, իբրև պրոլետարիատի պարտիա, անպայման պարտավոր ենք.— նշում է Լենինը,— անհապաղ հրապարակ գալ ո՛չ միայն ագրարային (հողային) ծրագրով, այլև անմիջապես իրագործելի գործնական միջոցների քարոզով, հոգուտ Ռուսաստանի գյուղացիական ագրարային ռևոլյուցիայի»:

Մեր կուսակցությունը պահանջում էր բոլոր հողերի ազգայնացում՝ այսպիսին՝ նրանց անցումը պետական իշխանության ձեռքը, այն պայմանով, որ հողի տնօրինումը գտնվի ոչ թե շինովնիկների, այլ գյուղացիական պատգամավորների մարզային սովետների ձեռքում:

Ապրիլյան թեզիսներում Լենինը առաջ էր քաշում այն միտքը, որ գյուղացիական կոմիտեների ներսում պետք է ձգտենք, որպեսզի յուրաքանչյուր գրաված կալվածքից ստեղծվի խոշոր օրինակելի տնտեսություն՝ բատրակային պատգամավորների սովետների հսկողության ներքո: Լենինը նշում էր, որ մեր կուսակցությունը պետք է պարզաբանի գյուղացիներին, որ մանր տնտեսությունը ապրանքային արտադրության օրոք ի վիճակի չէ ազատելու մարդկությունը մասսայական թշվառությունից:

Գյուղացիությունը միատարր դանգված չէր և պրոլետարիատն իշխանությունը գրավելիս կարող էր հենվել միայն բատրակների և չքավոր գյուղացիության վրա: Ուստի անհապաղ չբաժանելով գյուղացիական պատգամավորների սովետները, պետք է բատրակներին և չքավոր գյուղացիներին ընդգրկել բատրակային կամ չքավորական պատգամավորական առանձին սովետների մեջ, կամ որպես ֆրակցիաներ՝ ընդհանուր սովետների ներսում:

Լենինյան այս ծրագրի դեմ դուրս եկան մանր բուրժուական բոլոր կուսակցությունները: Մենշևիկները և էսեռները, որպես լիբերալ բուրժուազիայի դրոշակակիրներ, խորհուրդ էին տալիս գյուղացիությանը չգրավել կալվածատերերի հողերը և ագրարային վերահսկողություն չհաստատել, այլ սպասել մինչև որ դումարվի սահմանադիր ժողովը:

» Վ. Ի. Լենին, Ագրարային և ազգային ծրագիր, Երկեր, հ. 24, էջ 67.

Մենշևիկներն ու էսեռներն զավաճանությունը քննադատելով, Վ. Ի. Լենինը գրում էր. «Պրոլետարիատի սլարտիան պետք է կոչ անի գյուղացիներին անհապաղ, ինքնակամ կերպով իրագործելու հողային բարեփոխությունը և տեղերում գյուղացիների ղեկուսատեսների որոշումներով՝ անհապաղ բռնագրավելու կալվածատիրական հողերը»⁶:

Լենինը խնդիր էր դնում պարզաբանել բանվորներին և գյուղացիներին, որ պրոլետարիատի կուսակցությունը նպատակ չունի անհապաղ սոցիալիզմ «մտցնելու», բանի որ մեր երկիրը մասնա գյուղացիական երկիր է, տեխնիկատնտեսական տեսակետից թույլ զարգացած, չունի սոցիալիզմի համար անհրաժեշտ բաղա՝ ծանր ինդուստրիա, էլեկտրիֆիկացիա և այլն: Մանր գյուղացիական երկրում բնակչության մեծամասնությունը ղեռնս չի հասել այն գիտակցությունը, որ պետք է սոցիալիստական միջոցառումները անհրաժեշտություն համարի: Սակայն առանց սպասելու պետք է պահանջի հողի, կապիտալիստների բոլոր բանկերի և սինդիկատների ազգայնացումը կամ գոնե նրանց նրկատմամբ բանվորական պատգամավորների սովետների անհապաղ վերահսկողություն հաստատումը, վերահսկողություն հասարակական արտադրության և արտադրանքի բաշխման նկատմամբ և այլն:

Կուսակցությունը զինվելով Լենինի ապրիլյան թեզիսներով, համոզում էր բանվորներին, որ առանց աշխատի միջոցառումների չկա և չի կարող լինել փրկություն: Ապրիլյան թեզիսները, դա պրոլետարական հեղափոխության մարտական ծրագիրն էր: Այս ծրագրի հիմնական խնդիրների իրագործումը հսկայական չափով արագացրեց բուրժուա-դեմոկրատական հեղափոխությունից սոցիալիստական հեղափոխության անցնելու պրոցեսը:

Ապրիլյան թեզիսներով և ապրիլյան կոնֆերենցիայի բոլշևիկյան որոշումներով զինված կուսակցությունը 1917 թ. ապրիլից մինչև օգոստոսը հեղափոխական մասսաներին մոբիլիզացնելու աշխատանք է կատարում, նպատակ ունենալով երկիրն անցնելու սովետների մենիշխանությանը: Բոլշևիկները Լենինի ղեկավարությամբ ծավալուն աշխատանք սկսեցին թե բանակում և թե թիկունքում:

Փետրվարյան հեղափոխությունից հետո մեր կուսակցությունը զառնում էր երկրի բանվոր դասակարգի, չքավոր գյուղացիության ու զինվորների ձգողական կենտրոնը: Ապրիլի 21—22-ի ցույցերն ապացուցեցին բոլշևիկների տակտիկայի ճշտությունը: Այդ օրերին անկայուն, տատանվող մասնա բուրժուական մասսան հետ կանգնեց կապիտալիստներից և սկսեց անցնել հեղափոխական պրոլետարիատի կողմը, համախմբվելով բոլշևիկների դրոշի տակ: Բուրժուական ժամանակավոր կառավարությունը տեսնելով, որ մենակ անհրաժեշտ է իշխանությունը իր ձեռքում պահել, որոշեց «սոցիալիստ-հեղափոխական» ու մենշևիկյան բողոքով ձածկվել, համաձայնվեց ստեղծել «կոալիցիոն» կառավարություն, կազմված բուրժուազիայի, մենշևիկների և էսեռների ներկայացուցիչներից: Կազմվեց այսպես կոչված առաջին կոալիցիոն ժամանակավոր կառավարությունը, որի կազմի մեջ բուրժուազիայի հետ միասին մտան մենշևիկներ Սկոբելևը, Մերեթելին, էսեռներ Չերնովը, Կերենսկին և ուրիշներ: Այսպիսով, մենշևիկները եթե ռուսական առաջին հեղափոխության ժամանակ անթույլատրելի էին համարում սոցիալ-դեմոկրատիայի ներկայացուցիչներին

6 Վ. Ի. Լենին, Երկեր, հ. 24, էջ 69.

մասնակցությունը հեղափոխական կառավարությանը, ապա այժմ թույլատրելի համարեցին իրենց ներկայացուցիչների մասնակցությունը ժամանակավոր հակահեղափոխական կառավարության մեջ:

Պետրոգրադի սովետը, սակայն, հակառակ բուրժուազիայի, մենշևիկների ու էսեռների այդ քաղաքականությանը, հունիսի 18-ին ցույց կազմակերպեց, որին մասնակցում էին ավելի քան 400 հազար մարդ: Ցուցարարները անցնում էին բոլշևիկյան լոգունգներով՝ «Կորչեն տաս կապիսուլիստ մինիստրները», «Ամբողջ իշխանությունը սովետներին»: Հունիսի 18-ի ցույցը, բոլշևիկյան կուսակցության ուժերի իսկական ստուգատես հանդիսացավ: Նա ցույց տվեց մասսաների հարաձուլ հեղափոխականությունը և նրանց վստահությունը ղեպի բոլշևիկյան կուսակցությունը:

«Ցույցի վիթխարի թափը և նրանում բոլշևիկյան լոգունգների գերակշռությունը վկայում էին, որ մայրաքաղաքի պրոլետարիատը և կայազորը գնում են բոլշևիկների հետևից: Ցույցը ապացուցեց, որ մասսաները չեն վստահում ոչ միայն ժամանակավոր կառավարությանը, այլև բուրժուազիայի հետ համաձայնություն կնքելու քաղաքականությանը, որ կիրառում էին էսեռներն ու մենշևիկները»⁷:

Հունիսի 18-ի ցույցը ապացուցեց, որ մասսաները համախմբվում են բոլշևիկների գրոշի տակ: Այդ առանձին պարզությամբ ցույց տվին մանավանդ հուլիսի 3—5-ի դեպքերը:

Սովետների մենշևիկո-էսեռական կենտրոնական գործադիր կոմիտեի (ԿԳԿ) օգնությամբ բուրժուական ժամանակավոր կառավարությանը հաջողվեց ղինված ուժի միջոցով ճնշել այդ ցույցերը: Դրանից հետո մենշևիկների և էսեռների համաձայնությամբ ու նրանց անմիջական օգնությամբ ժամանակավոր կառավարությունը հարձակման անցավ հեղափոխական մասսաների ու բոլշևիկների կուսակցության դեմ: «Պրավդա»-ի խմբագրության շենքն ավերվեց, «Սոլդատսկայա Պրավդան» և բոլշևիկյան մի շարք օրգաններ փակվեցին, սկսեցին ղինաթափ անել կարմիր գվարդիականներին: Պետրոգրադի կայազորի հեղափոխական զորամասերը ճակատ ուղարկվեցին: Սկսվեցին ձերբակալությունները ճակատում և թիկոսներում: 1917 թ. հուլիսի 7-ին լենինին ձերբակալելու հրաման տրվեց: Ձերբակալվեցին բոլշևիկների կուսակցության մի շարք ղեկավար գործիչներ: Այսպիսով, կոալիցիոն ժամանակավոր կառավարությունը գլորվեց բացահայտ իմպերիալիզմի և հակահեղափոխության ճահիճը:

Հուլիսյան օրերը փոխեցին իրադրությունը և դասակարգային ուժերի հարաբերակցությունը երկրում: Մենշևիկներն ու էսեռները բուրժուազիայի հետ համաձայնության գալու իրենց քաղաքականությունն ավարտեցին նրանով, որ վերջնականապես անցան հակահեղափոխության լագերը: Բուրժուազիայի հետ համաձայնության կուսակցությունից էսեռներն ու մենշևիկները դարձան հակահեղափոխության գործակիցների կուսակցություն: «Երկիշխանությունը վերջացավ: Բուրժուազիան հասավ միիշխանության, ամբողջ իշխանությունը անցավ նրա ձեռքը: Էսեռա-մենշևիկյան սովետները դարձան բուրժուական կառավարության կցորդը»⁸:

7 ՍՄԿՊ պատմություն, Հայկետհրատ, Երևան, 1959, էջ 268:

8 ՍՄԿՊ պատմություն, էջ 270—271:

Այժմ պրոլետարիատը իշխանությունը կարող էր պրավել միայն դինված պայքարի միջոցով:

Կուսակցությունն առաջ քաշեց նոր լուրջ պահանջ՝ դինված սպառնալիքներ Բուրժուական ժամանակավոր կառավարությունը տապալելու և իշխանությունը բանվորներին ու շքավոր գյուղացիներին հանձնելու լուրջ պահանջ: «Հատկապես հենց մինչև հուլիսի 4-ը, — ասում էր Վ. Ի. Լենինը, — ամբողջ իշխանությունը տվյալ այն ժամանակվա Սովետներին անցնելու լուրջ պահանջ էր միակ ճիշտ լուրջ պահանջ: Այն ժամանակ այդ հնարավոր էր խաղաղ կերպով, առանց քաղաքացիական պատերազմի, որովհետև այն ժամանակ դեռ սխտեմատիկ բռնություններ չկային մասսայի վերաբերմամբ, ժողովրդի վերաբերմամբ, բռնություններ, որոնք մտցվեցին հուլիսի 4-ից հետո: Այն ժամանակ այդ ապահովում էր ամբողջ ռևոլյուցիայի խաղաղ առաջընթաց զարգացումը և, մասնավորապես, դասակարգերի ու պարտիաների՝ Սովետների ներսում կատարվող պայքարի վերացման հնարավորությունը:

Հուլիսի 4-ից հետո իշխանության անցումը Սովետներին անհնարին դարձավ առանց քաղաքացիական պատերազմի, որովհետև իշխանությունը հուլիսի 4—5-ից անցավ ռազմական, բռնապարտիստական կլիկի ձեռքը, որին պաշտպանում էն կադետներն ու սեհարյուրակայինները»⁹:

Վ. Ի. Լենինը այս պայմաններում կուսակցության առաջ խնդիր էր դնում ավելի ևս ուժեղացնել ագիտացիան և պրոպագանդան, պարզաբանել մասսաներին կռիվից ժամանակավոր կառավարության քաղաքականությունը, պարզաբանել Կերենսկու-Չերնովների, Ծերեթելի-Սկոբելևների դավաճանությունը ժողովրդի նկատմամբ:

1917 թ. հուլիսի 26-ից մինչև օգոստոսի 3-ը տեղի ունեցավ բոլշևիկների կուսակցության 6-րդ համագումարը: Համագումարը իր որոշման մեջ նշեց, որ սոցիալիստական հեղափոխության շարժիչ ուժերը հանդիսանում են քաղաքային պրոլետարիատը և ամենաշքավոր գյուղացիությունը, որ նրանք էլ պետք է իշխանությունը վերցնեն իրենց ձեռքը: «Ո՛չ մի բան, — գրում էր Վ. Ի. Լենինը, — ոչ մի ուժ չի կարող բերել բուրժուական կոնտրռևոլյուցիայի տապալումը, բացի ռևոլյուցիոն պրոլետարիատից: Հենց ռևոլյուցիոն պրոլետարիատն է, որ 1917 թ. հուլիսի փորձից հետո պետք է ինքնուրույնաբար իր ձեռքը վերցնի պետական իշխանությունը, — դրանից դուրս ռևոլյուցիայի հաղթություն չի կարող: Իշխանությունը պրոլետարիատի ձեռքին, ամենաշքավոր գյուղացիության կամ կիսապրոլետարների աջակցությամբ, — ահա միակ ելքը»¹⁰:

Կուսակցության 6-րդ համագումարը առաջադրեց տեսական դրույթ այն մասին, որ Ռուսաստանը կհանդիսանա դեպի սոցիալիզմ ուղի հարթոց երկիր՝ դեն նետելով տրոցկիստների այն պնդումը, թե Ռուսաստանը կարող է դեպի սոցիալիզմ գնալ միայն արևմուտքի պրոլետարական հեղափոխության աջակցության դեպքում:

Պատմության հետագա րոնթացքը փայլուն կերպով հաստատեց Վ. Ի. Լենինի հանճարեղ կանխատեսությունը: Զինված կուսակցության 6-րդ համագումարի որոշումներով, Վ. Ի. Լենինի ցուցումներով, կուսակցությունը նոր ուժով

⁹ Վ. Ի. Լենին, Մատերի հետևում չեն տեսնում անտառը, Երկիր, հ. 25, էջ 316—317:

¹⁰ Վ. Ի. Լենին, Երկիր, հ. 25, էջ 231:

սկսեց պայքարը հեղափոխության վերելքի համար, որը պետք է հանգեցնեւր սոցիալիստական հեղափոխության հաղթանակին Ռուսաստանում: Համագումարից հետո Վ. Ի. Լենինը մեծ խորաթափանցութեամբ բացահայտում և մերկացնում է ժամանակավոր կառավարութեան քաղաքականութիւնը, օտարերկրյա իմպերիալիստների և Ռուսաստանի կապիտալիստների մերկնայութիւնները, որոնք ուղղված էին Ռուսաստանում հասունացող հեղափոխության դեմ:

«Ռուսաստանում փետրվարի 27-ից մինչև հուլիսի 4-ը տեղող դասակարգային և պարտիական պայքարի պարզացման ցիկլը վերջացավ: Սկսվում է նոր ցիկլ: Որի մեջ մտնում են ոչ թե հին դասակարգերը, ո՛չ թե հին պարտիաները, ոչ թե հին Սովետները, այլ պայքարի հրով նորոգվածները, պայքարի ընթացքով կոփվածները, վարժվածները, վերաստեղծվածները: Պետք է նայել ոչ թե ղեպի ետ, այլ ղեպի առաջ»¹¹:

Հեղափոխութիւնը ջախջախելու և ռազմական զիկտատուրա հաստատելու նպատակով գնենրալ Կոռնիլովը՝ Կերենսկու համաձայնութիւնն ունենալով, Պետրոգրադի վրա շարժեց հակահեղափոխական զորամասերը: Պետրոգրադի և Մոսկվայի սովետները կուսակցութեան Կենտրոնական կոմիտեի ղեկավարութեամբ կազմակերպեցին հեղափոխության պաշտպանութիւնը: Կոռնիլովի զորքերի դեմ շարժվեցին հեղափոխական ջոկատները, նաւաստիները և Պետրոգրադի զինված բանվորները: Կոռնիլովչիինան ջախջախվեց: Կոռնիլովին ջախջախելու համար Վ. Ի. Լենինը առաջ քաշեց հետևյալ տակտիկան: «Մագաչափ անգամ չթուլացնելով թշնամութիւնը ղեպի Կերենսկին, ետ չվերցնելով և ոչ մի խոսք, որ ասված է նրա դեմ, չհրաժարվելով Կերենսկուն տապալելու խնդրից, մենք ասում ենք. պետք է հաշվի առնել մոմենտը, մենք հիմա ղեռ չենք տապալի Կերենսկուն, մենք այժմ այլ ինչպէ կմոտենանք նրա դեմ՝ պայքարելու խնդրին, այն է՝ պարզաբանել ժողովրդին (որ պայքարում է Կոռնիլովի դեմ), Կերենսկու քուլուրքունն ու տատանումները: Այդ քանն արվում էր նաև առաջ: Բայց հիմա գլխավորն այդ է դարձել. այս է ձեափոխութիւնը»¹²: «Հիմա գործի ժամանակ է, պատերազմը Կոռնիլովի դեմ պետք է մղել ռեուլյուցիոն կերպով, ներգրավելով մասսաներին, բարձրացնելով նրանց, բորբոքելով նրանց. (խսկ Կերենսկին վախենում է մասսաներից, վախենում է ժողովուրդներից)»¹³:

Բոլշևիկների կուսակցութիւնը ղեկավարվելով Լենինի առաջադրած տակտիկայով, ջախջախելով Կոռնիլովչիինան, միաժամանակ պայքարում էր բանվորների սպառազինման, հակահեղափոխականների ձերբակալման, հեղափոխական զորամասերը մայրաքաղաքին մոտեցնելու, կալվածատիրական հողերը գյուղացիներին հանձնելու, պարենի և զործարանների վրա բանվորական վերահսկողութիւն հաստատելու համար:

Կոռնիլովի ջախջախումից հետո ժողովրդական մասսաները սկսեցին ավելի լավ ճանաչել էսեններին ու մենշևիկներին, որոնք քուպրկում էին բուրժուազիային և կալվածատերերին: Գյուղացիները հասկացան, որ գնենրալները փաստորեն պաշտպանում են կալվածատերերի շահերը, որոնք չեն ուզում հողը տալ գյուղացիներին: Զինվորները քաջ զիտակցեցին, որ լուրժուազիան չի ուզում

¹¹ Վ. Ի. Լենին, երկեր, հ. 25, էջ 232:

¹² Վ. Ի. Լենին, երկեր, հ. 25, էջ 362:

¹³ Նույն տեղում, էջ 366:

վերջ տալ պատերազմին՝ որ նա ձգձգում է արյունահեղ պատերազմը։ Ճնշվող ազգերը գիտակցեցին, որ իրենց ազատությունն ու անկախությունը հնարավոր է միայն բուրժուական ժամանակավոր կառավարության տապալման և ամբողջ իշխանությունը բանվորներին և գյուղացիներին հանձնելու միջոցով։

Կոռնիլովյան ապստամբության պարտությունը շատ բան փոխեց։ Սովետների մեծ մասը, այդ թվում Պետրոգրադի և Մոսկվայի սովետներն անցան բոլշևիկների ձեռքը։ Գյուղական սովետների մեծ մասը նույնպես անցավ բոլշևիկների կողմը։ «Մենք հազարավոր անգամ ասել ենք,— գրում էր Վ. Ի. Լենինը,— որ բանվորների և զինվորների ղեկուսատիների Սովետներն ուժ են, որ նրանք ռևոլյուցիայի ավանգարդն են, որ նրանք կարող են իշխանությունն իրենց ձեռքը վերցնել»¹⁴։

Գյուղացիական ապստամբությունները դարձել էին համազգային քաղաքական նշանակություն ունեցող իրադարձություն։ Ահա թե ինչու Վ. Ի. Լենինը նշում էր. «Վերջապես արդի կյանքի ամենախոշոր փաստը Ռուսաստանում գյուղացիական ապստամբությունն է»¹⁵։

Բոլշևիկների կուսակցությունը բաղմամբիվ անգամ պարզաբանել է այն իրական ճշմարտությունը, որ պրոլետարիատի ղեկատարության հաղթանակը մի երկրում, ինչպես ասում է Վ. Ի. Լենինը, «ստեղծում է հսկայական փոփոխություններ թե՛ միջազգային դրություն մեջ, թե՛ երկրի էկոնոմիկայի մեջ, թե՛ բանակի դրության մեջ, թե՛ նրա տրամադրության մեջ,— և մենք այժմ «մոռանա՞նք» այս բոլորը, թույլ տալով, որ վախեցնեն մեզ ռևոլյուցիայի դժվարություններով»¹⁶։ Ոչ,— ասում է Լենինը,— դա կլինի հեղափոխության գործին, միջազգային պրոլետարների գործին դավաճանություն։

Բոլշևիկները բոլոր ղեկներում հաշվի են առել և երբեք չեն ժխտել իշխանության գրավման դժվարությունները։ Իմպերիալիստական պատերազմի ժամանակ բոլշևիկները միշտ պրոպագանդել ու համոզել են բանվոր դասակարգին և աշխատավոր գյուղացիներին պրոլետարիատի ու ամենաշքավոր գյուղացիության ղեկատարա հաստատելու մասին, բանվոր դասակարգի և չքավոր գյուղացիության դաշինքի ամրապնդման մասին, այդ դաշինքի մեջ տեսնելով պրոլետարիատի և գյուղացիության հեղափոխության հաղթական ավարտը։ Իսկ այժմ երբ հասել է հեղափոխական գործողությունների ժամը, ոչ միայն չի կարելի հրաժարվել դրանից, այլև չի կարելի կորցնել մոմենտը, մանավանդ, որ մասսաների տրամադրությունը, ինչպես ընդգծում էր Վ. Ի. Լենինը, համակենտրոնացված և սպասողական է։

Վ. Ի. Լենինը գրում է. ապստամբության համար անհրաժեշտ է «գիտակիցների գիտակցական, հաստատուն և անդրդվելի վճռականություն՝ կովկասում մինչև վերջը, այս՝ մեկ կողմից։ Իսկ մյուս կողմից՝ հարկավոր է կենտրոնացված-մոլեգին տրամադրությունը լաթն մասսաների, որոնք զգում են, կիսամիջոցներով այժմ ոչինչ չի կարելի փրկել...»¹⁷։

Տնտեսական և ռազմա-քաղաքական ճգնաժամը երկրի ներսում արագ կերպով աճում էր։ Մենշևիկների ու էսենների լիակատար մեկուսացումը փաստ էր արդեն։ Նրանց շարքերում առաջ էր եկել բարոյալքում ու քայքայում։ Գյուղի

14 Վ. Ի. Լենին, Երկեր, հ. 26, էջ 233։

15 Վ. Ի. Լենին, Երկեր, հ. 26, էջ 231։

16 Վ. Ի. Լենին, Երկեր, հ. 26, էջ 246։

17 Վ. Ի. Լենին, Երկեր, հ. 26, էջ 248—249։

աշխատավորները հաշվի չառնելով տեղական ու շրջանային օրգաններին, գրավում էին կալվածատերերի հացը՝ անասունները և հողերը:

Հեղափոխությունը հասունանում էր և ապրիլից մինչև կոռնիլովշինայի ջախջախումը ստեղծվեց այն քաղաքական բանակը, որի վրա հենվելով բոլշևիկների կուսակցությունն այժմ կարող էր տապալել բուրժուազիայի տիրապետությունը և երկրում հռչակել պրոլետարիատի դիկտատուրա:

Սեպտեմբերին Լենինն իր նամակներում գրում էր, որ մեծամասնությունը շահելով Պետրոգրադի և Մոսկվայի բանվորների և զինվորների պատգամավորների սովետներում, բոլշևիկները կարող են իրենց ձեռքը վերցնել և պետք է վերցնեն պետական իշխանությունը: «Հաբցն այն է,— գրում է Լենինը,— որ պարտիայի համար պարզ դարձնենք խնդիրը, օրակարգի հարց դարձնենք զինված ապստամբությունը՝ Պիտերում և Մոսկվայում (իսկ մարզերի հետ), իշխանության նվաճումը և կառավարության տապալումը»¹⁸:

Համեմատելով սեպտեմբերյան օրերը հուլիսյան օրերի հետ, Լենինը գրում էր, որ հուլիսին ապստամբությանը դիմել — սխալ կլիներ, որովհետև 1. Բանվոր դասակարգի մեծամասնությունը, որ հեղափոխության ավանգարդն է հանդիսանում, այն ժամանակ դեռ բոլշևիկների հետևից չէր գնում: 2. Այն ժամանակ համաժողովրդական հեղափոխական վերելք չկար: 3. Տատանում չկար բուրժուազիայի և մանր բուրժուազիայի շարքերում: Այժմ այդպես չէ, հուլիսյան օրերի և Կոռնիլովի արկածի շնորհիվ այդ բոլոր պայմանները հիմա բարենպաստ են և կուսակցությունը դանդաղելու իրավունք չունի. «Սպասել չի կարելի: Ռևոլյուցիան կկործանվի»,— ասում էր Վ. Ի. Լենինը:

Վ. Ի. Լենինի նամակներն ու հոդվածները հոկտեմբեր ամսի սկզբին բացառիկ նշանակություն ունեցան: Նա Հոկտեմբերյան հեղափոխության իսկական ներշնչողն ու ղեկավարն էր: Նախահոկտեմբերյան օրերին բոլշևիկների շարքերում Զինովկեր, Կամեններ և ուրիշներ դեմ կանգնեցին զինված ապստամբության լենինյան պլանին: Բանվոր դասակարգի այդ դավաճանները չէին հավատում նրա հաղթանակին: Վ. Ի. Լենինը ջախջախիչ հարված հասցնելով նրանց ու հանձարեղ կերպով իրեն հատուկ խորություն, հաշվի առնելով պայքարող ուժերի հարաբերությունը, գրում էր. «Ո՛չ, կասկածել այժմ այն բանում, որ ժողովրդի մեծամասնությունը գնում է և կզնա բոլշևիկների հետևից, նշանակում է խաչտառակ կերպով տատանվել և գործնականում դեն գցել պրոլետարական ռևոլյուցիոնականության բոլոր սկզբունքները, բոլորովին հրաժարվել բոլշևիզմից»¹⁹:

Հաղթանակը շահելու նպատակով Վ. Ի. Լենինը մշակեց ապստամբության ամենամանրամասն պլանը:

Կենտկոմի հոկտեմբերի 16-ի նիստը պաշտպանում է Վ. Ի. Լենինի զինված ապստամբության վերաբերյալ բանաձևը և մերկացնում Կամենների և Զինովևի դիրքի հակահեղափոխական լուծյունը:

Հոկտեմբերի 25-ին հեղափոխությունը հաղթանակեց: Բուրժուական ժամանակավոր կառավարությունը տապալվեց, իշխանությունն անցավ բանվորների ու զյուդացիների ձեռքը, հաստատվեց պրոլետարիատի դիկտատուրա:

¹⁸ Վ. Ի. Լենին, Խրկեր, հ. 26, էջ 3:

¹⁹ Վ. Ի. Լենին, Խրկեր, հ. 26, էջ 233:

Կոմունիստական կուսակցությունը դարձավ կառավարող կուսակցություն, որը համարձակորեն լուծեց իր առաջ կանգնած ծանր ու դժվարին խնդիրները՝ երկիրը փրկեց տնտեսական ու ազգային աղետից, մեկընդմիշտ լուծեց ագրարային հարցը՝ կալվածատերերից բռնագրավված հողը անհատույց տվեց գյուղացիներին: Կենսագործվեց երկրում եղած ամբողջ հողի ազգայնացումը, փշրվեց բուրժուական պետական ապարատը և նրա փոխարեն ստեղծվեց սովետական սոցիալիստական պետական ապարատ:

Կոմունիստական կուսակցության ղեկավարությամբ պրոլետարիատը բուրժուազիայից վերցրեց արտադրամիջոցները՝ ֆաբրիկաներն ու գործարանները, հանքերը, բանկերն ու տրանսպորտը և այն դարձրեց ամբողջ ժողովրդի սեփականությունը: Պրոլետարիատը դարձավ տնտեսական ու քաղաքական իշխանության տերը: Նա պատմության մեջ առաջին անգամ սովետական սոցիալիստական շինարարության հիմքը դրեց:

Հոկտեմբերյան հեղափոխության հաղթանակը դա սոցիալիստական հեղափոխության շարժիչ ուժերի հարցում լենինյան տեսության հաղթանակն էր տրոցկիստների ու մանր բուրժուական համաձայնողական կուսակցությունների դեմ մղած պայքարում:

Հոկտեմբերյան հեղափոխության հաղթանակից հետո ժողովուրդները 1917 թ. նոյեմբերի 2-ին հռչակեց «Ռուսաստանի ժողովուրդների իրավունքների դեկլարացիան», ազդարարեց ամեն տեսակի ազգային արտոնությունների ու սահմանափակումների վերացում, բոլոր ժողովուրդների հավասարություն ու սուվերենություն, նրանց ազատ ինքնորոշում ընդհուպ մինչև անջատումը, և ինքնուրույն պետություն կազմելը:

Ռուսաստանում հաղթանակած հեղափոխությունը մեծ արձագանք գտավ նաև Անդրկովկասում: Երկրամասի աշխատավորները ցնծությամբ դիմավորեցին սոցիալիստական հեղափոխության հաղթանակի լուրը և իրենց միտինգներում ընդունած բանաձևերում ողջունեցին Պետրոգրադի ապստամբ բանվորներին ու զինվորներին և համերաշխություն ու պատրաստակամություն հայտնեցին կրժքով պաշտպանելու սովետական իշխանությունը: Առջևից գնաց Բաքվի պրոլետարիատը: 1917 թ. նոյեմբերի 2-ին Ստ. Շահումյանի գլխավորությամբ Բաքվում հռչակվեց սովետական իշխանություն:

Հայաստանի աշխատավորությունը բուլշևիկների ղեկավարությամբ նույնպես նախապատրաստվեց Պետրոգրադի, Մոսկվայի և մյուս ապստամբ բանվորների, զինվորների ու գյուղացիների հետ միաժամանակ ապստամբություն բարձրացնել տեղերում ժամանակավոր կառավարության օրգանները տապալելու, Անդրկովկասում սովետական իշխանություն հաստատելու համար: Կովկասյան բանակի Երկրային հեղափոխական սովետը 1917 թ. դեկտեմբերի 28-ի նիստում ընտրեց կովկասյան բանակի ռազմա-հեղափոխական կոմիտե: Հայաստանում նույնպես կազմակերպվում են ռազմա-հեղափոխական կոմիտեներ:

Սովետի նիստը միաժամանակ որոշեց բոլոր զորամասերում ու կայազորներում ստեղծել ռազմա-հեղափոխական կոմիտեներ: Կենսագործելով կովկասյան բանակի Երկրային սովետի որոշումները, բազմաթիվ կայազորներում՝ Սարիղամիշում, Էրզրումում, Ալեքսանդրապոլում, Ջուլֆայում, Շահթախում, Հաղպատում և այլ վայրերում ստեղծվում են ռազմա-հեղափոխական կոմիտեներ:

1918 թ. հունվարի 2-ին Սարիղամիշի ռազմա-հեղափոխական կոմիտեն տապալում է ժամանակավոր կառավարության օրգանները և ամբողջ իշխանությունը վերցնում է իր ձեռքը ու սովետական իշխանություն հռչակում:

Կովկասյան բանակի հեղափոխական զորամասերի և նրանց ռազմա-հեղափոխական կոմիտեների գործունեությունը նոր թափ հաղորդեցին Հայաստանի բանվորների ու գյուղացիների հեղափոխական պայքարին: Ամրապընդվում էր նրանց մարտական դաշինքը:

Ալեքսանդրապոլի բոլշևիկյան կոմիտեի գլխավորությամբ ռազմա-հեղափոխական կոմիտեն մի քանի օրում բանվորներից ստեղծեց ավելի քան 500 հոգուց կազմված կարմիր գվարդիական ջոկատներ:

ՌՄԴԲ(Բ)Կ կովկասյան Երկրային կոմիտեն գյուղացիական հեղափոխական շարժումները միավորելու, այն բանվոր դատակարգի և զինվորական հեղափոխական շարժումների հետ միակցելու համար Լոռի է ուղարկում Ա. Մուսվյանին: Կատարելով կովկասյան Երկրային կոմիտեի ցուցումները Հաղպատի բոլշևիկյան կոմիտեն 1918 թ. ապրիլի կեսերին ապստամբ ջոկատներին կալվածատիրական հողերը բռնագրավելու հրահանգ է տալիս:

Այդ նպատակով Վլ ապրիլին Լոռու շրջանի Հաղպատ, Շնող, Արզվի և մի շարք ուրիշ գյուղերում ստեղծվում են գյուղական ռազմա-հեղափոխական կոմիտեներ, որոնք կազմակերպելով չքավոր գյուղացիներին ու բատրակներին ստեղծում են զինված ջոկատներ, որոնք բռնագրավում են Արամյանի կալվածքները և ի նշան հաղթանակի Ախթալայում՝ նրա առանձնատան վրա բարձրացնում կարմիր դրոշմ: Ապստամբությունը տարածվում է նաև Լոռու շրջանի մյուս գյուղերում (Շամուտ, Մղարթ, Մարց և այլն): Ռազմա-հեղափոխական կոմիտեները Լոռու շատ գյուղերում բռնագրաված հողը, հացահատիկը և գույքը բաժանում էին չքավոր գյուղացիներին: Նրանք ամրապնդում էին շրջանի ապստամբ գյուղերի ինքնապաշտպանության ջոկատները:

Ձևայած Հայաստանում հեղափոխությունը լայն ծավալ ստացավ, բայց հեղափոխության օջախները կտրված էին միմյանցից, դեռևս թույլ էր բանվոր դասակարգի և գյուղացիության դաշինքը:

Հեղափոխական կոմիտեները հետագա ծավալում չգտան հատկապես գյուղական շրջաններում: Դա բացատրվում է ամենից առաջ նրանով, որ 1918 թ. սկզբներին կովկասյան զորքերը դուրս բերվեցին հայկական շրջաններից: Չգտվելով այս հանգամանքից գերմանա-թուրքական բարբարոսները ներխուժեցին Հայաստան, զավթեցին նրա տերիտորիայի մեծ մասը և արյունալի կոտորածներ սկսեցին սովետական իշխանության համար պայքարի ելած բանվոր դասակարգի, գյուղացիության և նրանց ավանգարդի՝ կոմունիստական կուսակցության նկատմամբ: Պարզ է, որ այսպիսի պայմաններում ռազմա-հեղափոխական կոմիտեները գործել չէին կարող և 1918 թ. մայիսից ժամանակավորապես դադարեցրին իրենց գործունեությունը:

Անդրկովկասը ժամանակավորապես ընկավ օտարերկրյա իմպերիալիստների ու նրանց կամակատար, տեղական բուրժուական մարիոնետային կառավարությունների լծի տակ: 1918 թ. մայիսից Հայաստանում հաստատվեց հալ ժողովրդի ոխերիմ թշնամի դաշնակցականների դիկտատուրան:

Ձևայած ռազմա-հեղափոխական կոմիտեների գործունեության ժամանակավոր դադարեցմանը, այնուամենայնիվ նրանց պայքարի փորձը մեծ նշանակություն ունեցավ ինչպես Անդրկովկասի, այնպես էլ Հայաստանի

բանվորների, զինվորների ու գյուղացիների դաշինքի հետագա ամրապնդման ու սովետական իշխանության հաստատման համար մղած պայքարի համար:

Դաշնակցությունը իր ողբերգական տիրապետության երկու և կես տարիների ընթացքում (1918 թ. մայիսից մինչև 1920 թ. նոյեմբերի 29-ը), կատարելով իմպերիալիստական տերությունների կամքը, ավելի բորբոքեց հայ ժողովրդի առանց այն էլ խոր վերքերը, նրանց կանգնեցրեց կործանման եզրին:

Բանվորների, զինվորների, գյուղացիների ու ծառայողների սերտ դաշինքը պողպատյա ամրությամբ կանգնեց դաշնակցական արյունոտ կառավարության դեմ: 1919 թ. աշնանից նոր ուժով սկսվեցին հեղափոխական շարժումները, որոնք կազմակերպվում և ղեկավարվում էին Հայաստանի բոլշևիկները: Հայաստանի փոստ-հեռագրական ցանցի բանվոր-ծառայողների գործադուլները, որոնց մասնակցեցին՝ Երևանի, Ալեքսանդրապոլի, Կարսի, Սարիղամիշի, Ղարաբաղի, Կաղզվանի, Դիլիջանի, Իգդիրի և այլ շրջանների փոստ-հեռագրական ցանցի բանվորները, համահայաստանյան բնույթ կրեցին:

1919 թ. հոկտեմբերին սկսվեց Ալեքսանդրապոլի տպագրական բանվորների և երկաթուղայինների գործադուլը:

1920 թ. հունվարից սկսած լայն ծավալ ընդունեցին բանվորների, զինվորների ու գյուղացիների մասսայական ելույթները, որոնք ուղղված էին դաշնակցական կառավարության դեմ: Նման հեղափոխական ելույթներ տեղի ունեցան Ալեքսանդրապոլում, Սարիղամիշում, Կարսում, Երևանում և այլ քաղաքներում ու շրջաններում:

Բանվոր դասակարգի հեղափոխական պայքարի ազդեցությունը լայն տարածում գտավ նաև գյուղացիության մեջ: 1919—1920 թվականներին բանվորների հեղափոխական պայքարին զուգընթաց սկսվեցին նաև գյուղացիական հակակառավարական ելույթները: Երկիրն ապրում էր տնտեսական աներևակայելի ծանր պայմաններում, սովն ընդգրկել էր ամբողջ երկիրը, ազգամիջյան կոռիվները, անօրինակ հարկերը, աշխատուժի և քաշող անասունների մոբիլիզացիան, երկրում տիրող անօրինականությունն ու կամայականությունը, դաշնակցական կառավարության ավանտյուրիստական քաղաքականությունը, մաուգերիստների ու խմբապետների թալանն ու ավազակային գործողությունները խորացրին ու սրեցին դասակարգային պայքարը գյուղում: Գյուղացիները հաշվի չառնելով տեղական իշխանություններին, բռնազրավում էին կալվածատերերի հողերը: Նրանք գրավեցին Սադախլուի, Ճոճկանի, Հաղպատի, Ախտալի և Կոտայքի շրջանների կալվածատերերի հողերը: Վանքապատկան և կալվածատիրական հողերի բռնազրավման համար ոտքի ելան էջմիածնի գավառի գյուղացիները:

Երկրի բանվոր դասակարգի և գյուղացիության մեջ հեղափոխական կրակը դնալով ավելի ու ավելի էր բորբոքվում ու ընդգրկում աշխատավորական բոլոր խավերին: Դասակարգային այդ սուր պայքարում ավելի էր ամրապնդվում բանվոր դասակարգի ու գյուղացիության դաշինքը: Նրանք այժմ ավելի քան երբևէ գիտակցում էին, որ ստեղծված ծանր կացությունից և ֆիզիկական բնաջնջումից ազատագրվելու միակ ելքը դաշնակցների արյունոտ իշխանության տապալումն էր և երկրում սովետական իշխանության հաստատումը:

1920 թ. նոյեմբերի 29-ին Հայաստանի բանվոր դասակարգն ու աշխատավոր գյուղացիությունը Հայաստանի կոմունիստական կուսակցության ղեկավար 11—2

կազարութեամբ տապալեցին դաշնակների ավանտյուրիստական իշխանութիւնը և երկրում հռչակեցին սովետական կարգեր:

Սոցիալիստական հասարակարգի կառուցումը մեր երկրում վերացրեւորքադաքի և գյուղի միջև դարեր շարունակ գոյութիւն ունեցող հակամարտութիւնը: Քաղաքում և գյուղում ստեղծվեց սոցիալիզմի նյութա-տեխնիկական հզոր բազա:

Վ. Ի. Լենինը հավատացած էր, որ նոր հասարակարգի հիմքը՝ դա բանվոր դասակարգի և գյուղացիութեան դաշինքն էր, որ ուշ թե շուտ կապիտալիզմից սոցիալիզմին անցնող բոլոր երկրները հաջողութեամբ կիրականացնեն սոցիալիստական վերափոխումներն այն ժամանակ, երբ բանվոր դասակարգն ամուր դաշինք կնքի գյուղացիութեան հետ: Առանց այդպիսի դաշինքի սոցիալիստական որևէ վերափոխում պատկերացնել անհնարին է: